



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ამუკი

ამუკი, კრებითი სახელი მრავალფენიანი არქეოლოგიური ძეგლებისა ანთაქის (ანტიოქის) ველზე (თურქეთი, ჰათაის ვილაიეთი), ხმელთაშუა ზღვის ჩრდ.-აღმ. კუთხესთან.

აქ, ამიკის ტბის მიდამოებში, 1934–54 ამერ. არქეოლოგებმა რ. და ლ. ბრაიდვუდებმა აღმოაჩინეს და გათხარეს რამდენიმე ნამოსახლარი გორა (თელ-ელ-ჯუდეიდე, ჩათალ-ჰუიუქი, თელ-თაინათი, თელ-ზაჰაბი, თელ-ქურდუ, თელ-აჩანაჰი) და სხვა ძეგლები (მაგ., გამოქვაბული უადი-ალ-ჰამამი). ნამოსახლარი გორების ქვედა ფენა განეკუთვნება ე. წ. სირია-კილიკიის ნეოლითს (ძვ. წ. VI ათასწლ.), ზედა ფენები კი – შუა საუკუნეებს. კავკასიისმცოდნეობის თვალსაზრისით საყურადღებოა ქვემოდან მერვე ფენა, რ-შიც აღმოჩნდა ადრინდ. ბრინჯაოს ხანის მტკვარ-არაქსის კულტურისათვის დამახასიათებელი კერამიკა.

თარიღდება ძვ. წ. III ათასწლ. შუა წლებით.

ლიტ.: B r a i d w o o d R., B r a i d w o o d L., Excavations in the Plain of Antioch, pt 1 – The earliar assemblages phases, Chi.-Illinois, 1960.

**რ. რამიშვილი**

**ი. გავომიძე**

---